



Inatsisartut

*Aningaasaqarnermut Ataatsimiititaliaq
Finansudvalget*

Ulloq/Dato: 18. august 2009
J.nr.: 01.31.06/09-00424

Aningaasanut Naalakkersuisoq

Aningaasaqarnermut Ataatsimiititaliap suliaq nr. 01.31.06/09-00424 pillugu tallimangornermi ulloq 14. august 2009-mi aalajangiineranik Naalakkersuisunut ilisimatitsineq.

Sanaartornermi tulleriiarinernik allanngortitsinissaq pillugu (Suliaq nr. 01.31.06/09-00424)

Naalakkersuisut inassutigaa,

- Kontomi pingaarnermi 84.40.10 Kommunini atuarfiit, aningaasaliissutit 45,25 mio. koruuninik ikilisinneqassasut, suliassamut nr. 083.50.111 Atuarfimmi iluarsaassineq/allanngortiterineq/alliliineq, Sarfannugit, 1,25 mio. koruuninut, suliassamut nr. 098.50.122 Atuarfimmi iluarsaassineq/allanngortiterineq/alliliineq, Ikerasaarsuk, 2,0 mio. koruuninut, suliassamut nr. 111.50.113 Atuarfimmi iluarsaassineq/allanngortiterineq/alliliineq, Ikamiut, 1,35 mio. koruuninut, suliassamut nr. 161 Atuarfimmi iluarsaassineq/allanngortiterineq/alliliineq, Upv. Kujalleq, 9,5 mio. koruuninut, suliassamut nr. 168.50.116 Atuarfimmi iluarsaassineq/allanngortiterineq/alliliineq, Naajaat, 0,95 mio. koruuninut, suliassamut nr. 169.50.117 Atuarfimmi iluarsaassineq/allanngortiterineq/alliliineq, Innaarsuit, 1,2 mio. koruuninut, suliassamut nr. 996.50.094 Atuarfiit assigiinngitsut, nutaanik sanaartorneq iluarsaassinerlu 2009, 29,0 mio. koruuninut agguarlugit.
- Kontomi pingaarnermi 84.40.12 Ilinniartitaanermut sanaartukkat, suliassamut nr. 060.52.038 Eqqumiitsuliornermik Ilinniarfik, Nuuk, aningaasaliissutit 0,5 mio. koruuninik ikilisinneqassasut
- Kontomi pingaarnermi 84.45.01 Ilagiit, sanaartorneq, suliassamut nr. 060.58.039 Nuussuarmi oqaluffik, Nuuk, aningaasaliissutit 0,9 mio. koruuninik ikilisinneqassasut
- Kontomi pingaarnermi 87.72.13 Immikkut ittumik iluarsaassineq, suliassamut nr. 996.97.150 Iluarsaassineq, sumiiffiit assigiinngitsut, 2009, aningaasaliissutit 4,0 mio. koruuninik ikilisinneqassasut
- Kontomi pingaarnermi 87.72.22 Nunaqarfinni isorliunerusunilu inissialiortiternermut pilersaarut, aningaasaliissutit 35,0 mio. koruuninik ikilisinneqassasut, suliassamut nr. 998.35.017 Savissivimmi il.il. nammineerluni illuliassat 20-t, 20,0 mio. koruuninut aamma suliassamut nr. 998.35.018 Nunaqarfinni isorliunerusunilu inissialiortiternermut pilersaarut, 15,0 mio. koruuninut agguarlugit.
- Kontomi pingaarnermi 87.72.23 Inissialiortiternermut tapersiissutit, iluarsaassinissamut tapiissutit, suliassamut nr. 996.37.150 Inissialiortiternermut tapersiissutit, iluarsaassinissamut tapiissutit, 2009, aningaasaliissutit 1,0 mio. koruuninik ikilisinneqassasut
- Kontomi pingaarnermi 89.72.21 Inissialiortiternermut tapersiissutit, iluarsaassinermut immikkullu ittumik aserfallatsaaliuinerlut taarsigassarsiarititat, suliassamut nr. 996.37.01 Inissialiortiternermut tapersiissuteqartarnermi iluarsaassineq aserfallatsaaliuinerlut taarsigassarsiarititat, 2009, aningaasaliissutit 3,0 mio. koruuninik ikilisinneqassasut

- Kontomi pingaarnermi 80.00.88 Nunaqarfinni isorliunerusunilu sanaartornermi suliniutissat, suliassamut nr. 996.29.105, aningaasaliissutit 89,65 mio. koruuninik amerlineqassasut.”

Aningaasaqarnermut Ataatsimiititaliap oqaaseqaatai

Siuliani allassimasut akuersissutigineqarnissaannik Naalakkersuisut inassuteqaataat Aningaasaqarnermut Ataatsimiititaliamut ull. 14. august sularineqarput. Aningaasat 89,65 mio. kr.-it kontomut pingaarnermut 80.00.88-imut, nunaqarfinni isorliunerusunilu sanaartornermi suliniutissanut tunngasumut, nuunneqarnissaat qinnutigineqarpoq. Konto pingaarneq sillimmatitut kontuuvoq, tassanngaannillu nunaqarfinnut isorliunerusunullu Namminersorlutik Oqartussat sanaartornermi suliniutissaasa piviusunngortinneqarnerannut atatillugu suliniutinut aalajangersimasunut aningaasat atugassanngortinneqarsinnaapput.

Sanaartugassatut pilersaarutinit assigiinngitsunit 14-init aningaasanik utertitsinissamik Naalakkersuisut qinnuteqaataat sanaartornermut tunngasuni pingaarnersiulluni tullerriaarisi-manermik allanguinissamik kissateqarnermik tunngaveqarpoq. Pilersaarutilli taakku 14-iusut Naalakkersuisut nunaqarfinnut isorliunerusunullu sanaartornermi suliniutissaannut qanoq ilaatinniarneqarnersut Aningaasaqarnermut Ataatsimiititaliamit paasiuminaatsinneqarpoq. Tassunga atatillugu Naalakkersuisut pingaarnertut tunngavilersuutigisaat pillugit apeqqutit arlallit akineqarnissaat ataatsimiititaliamit kissaatigineqarpoq.

Sanaartugassat assigiinngitsunut pingasunut Naalakkersuisunit immikkoortinneqarput: “Sanaartugassat tamakkiisumik taamaatinneqarsinnaasut, sanaartugassanullu aningaasaliissutit siunertanut allanut/nutaanut nuunneqarsinnaasut.

Sanaartugassat taamaatinneqarsinnaanngitsut, taamaallaalli piffissaq eqqarsaatigalugu aallartinneqarnissaat kingusinnerusumut, tassalu ukiut aningaasaliiffiusut tulliuttut arlaannut nuunneqarsinnaasut.

Sanaartugassat immikkoortunut pilersaarutinit ilanngunneqarsimasut, aammalu ukiumoor-tumik aningaasaliissutinik nuussivigineqartartut, aningaasaliissutaasunillu ikilileriffigineqar-sinnaasut. Tamatuma kingunerisaanik immikkoortuni pilersaarutit maanna pilersaarutaasunut naleqqiullutik sivisunerusumik ingerlanneqassapput.”

Missingersuusiornermi malittarisassami aalajangersagaqarpoq sukkulluunniit naalakkersui-suusoq Naalakkersuisoqarfimmut pineqartumut aningaasaliissutinut akisussaasuusoq. Sanaartugassatut pilersaarutit taaneqartut Naalakkersuisoqarfiup suliassa qarfiata ataaniittut taamaatiinnarneqarsinnaannginnerat Kultureqarnermut, Ilinniartitaanermut, Ilisimatusarner-mut Ilageeqarnermullu Naalakkersuisoqarfiup tusarniaanermut akissuteqaammuni ersarilluin-nartumik oqaatigigaa ataatsimiititaliamit maluginiarneqarpoq. Tamanna eqqarsaatigalugu pilersaarutit taakku 14-it immikkoortitsinerit pingasut siuliani taaneqartut naapertorlugit immikkoortiteqqissaarneqarsimanissaat Aningaasaqarnermut Ataatsimiititaliamit kissaatigi-nartinneqarsimassagaluarpoq, taamaalillunilu ersarissumik allassimalluni pilersaarutit sorliit naammassineqartutut isigineqarsinnaanersut sorliillu allannguuteqartinnagit kinguartinne-qarnersut.

Naalakkersuisut allapput: ”Meeqqat atuarfiini suliat unitsinneqassapput, taamaalillunilu nuna-qarfinni meeqqat atuarfiinik allilerinerit iluarsaassinerillu ingerlanneqarnissaanut nunaqar-finnut pilersaarummi nunaqarfinni isorliunerusunilu siunissami atuarfinnik pilersuinissaq qanoq aqqissuunneqassanersoq pillugu inassuteqaatit utaqqineqassallutik.”

Pilersaarutit taakku taamaatiinnarneqartutut naammassineqartutulluunniit Naalakkersuisunit isigineqarnerattut tamanna paasineqassappat, tamanna pillugu piaartumik ilisimatinneqar-nissani aammalu sanaartugassatut pilersaarutit taamaatinneqartut naammassineqartulluunniit

missingersuutitigut suliarineqartarnerat pillugu missingersuusiornermi malittarisaaasami aalajangersakkat Naalakkersuisunit isiginiarneqassasut Aningaasaqarnermut Ataatsimiititaliamit naatsorsuutigineqarpoq.

Naalakkersuisut allapput: ” Suliniuteqarnissap kingunerisaanik nunaqarfinni inuttusiartortuni, aammalu najukkami innuttaasunut suliaqarfiusinnaasuni sanaartortoqalersinnaanera naatsorsuutigineqarpoq.”

Assersuutigalugu Savissivimmi nammineerluni illuliassatut aammalu Upernavik Kujallermi atuarfissatut pilersaarutinit aningaasat ikinngitsut sillimmatinut nuunneqarnissaat eqqarsaatigalugu nunaqarfiit inuttusiartortut sorliit matumani eqqarsaatigineqarnerisut naasuiaatigeqqullugu Naalakkersuisut Aningaasaqarnermut Ataatsimiititaliamit qinnuigineqassapput. Isumaliutigisani taakkunani Savissivik Upernavik Kujallerlu qanoq inissisimappat?

Naalakkersuisut allapput: ” Taakku saniatigut aalajangersimasunik suliniuteqartoqarsinnaavoq, soorlu illoqarfinni annerusuni inissianik/ilinniartut inaannik, nunaqarfinniit isorliuneru-suniillu innut atugassanik sanaartortoqarsinnaalluni, kiisalu sanaartugassanut tamanut sam-minerusunik, nuttarnerup illoqarfinnullu sulisussaaleqiffiusunut nutsernerup annertuneru-lernissaanik siunertaqarfiusunik, aammalu ilinniartitaanermut, ilinniaqqinnermut inuus-sutissarsiutinilu allani sulilerniarluni ilinniaqqinnermut atatillugu immikkut ittumik suliniu-teqartoqarsinnaalluni.”

Siuliani allassimasunut nangissutitut illoqarfiit sorliit matumani eqqarsaatigineqarnerisut nassuateqqullugu Naalakkersuisut ataatsimiititaliamit qinnuigineqassapput.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuersissutigine-qarput**, tamatumalu peqatigisaanik apeqqutinut siuliani allassimasunut Naalakkersuisut akissuteqarnissaat ataatsimiititaliamit qinnutigineqarpoq.

Aningaasaqarnermut Ataatsimiititaliap sinnerlugu

Akitsinguaq Olsen
Aningaasaqarnermut Ataatsimiititaliap siulittaasua